

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

325. A quo momento censeatur vacare prælatura.

[urn:nbn:de:hbz:466:1-74485](#)

publicè; & hinc esse irritam , sive de cætero fiat in locis occultis , sive in publico & consueto . Pass. num. 19. & 23.

5. Respondeo quinto : eam magis propriè in jure dici , & reprobari electionem clandestinam , qua ita secretò custoditur ab electoribus , ut minime Clero , populo , aut communitatibus publicetur . c. quia propter . b. r. Gl. ibid. v. clandestinas . Biax. p. 3. & 37. Pass. num. 21. Verum etijs electionem in hoc sensu clandestinam reprobet , & præcipiat electionem publicari , ubi ea tamen non publicatur , nisi aliunde vitium habeat , neque est jure irrita , neque irritanda (licet clandestinitas hæc sit tollenda ante confirmationem , ad quod sufficiet , si confirmator ipse electionem publicer , nec ad actum confirmationis procedat , nisi citatis vel monitis interesse habentibus in confirmatione ; cum enim per electionem legitimè factam sit acquisitum jus electo , ipso hoc suo jure non est privandus sine sua culpa . Lavor. c. 19. num. 93. Pass. num. 23. citans Innoc. & Jo. And. contra Abb. Hostiens. Gl. in c. unicum , ut Eccles. benef. & alios , quorum tamen plures , dum docent clandestinam electionem esse irritam , intelligunt illam , qua non est collegialiter facta ; sed privatim & divisim per privatas subscriptiones & suffragia , & occulta conventicula . Barb. ad cap. licet . 8. q. 1. apud Pass. num. 23. qui etiam num. 25. observat ipsam quoque electionem communem , qua publicato scrutinio fit ab uno nomine totius Capituli , dici etiam publicationem electionis , & hanc indubitat esse de substantia , & forma electionis , adeoque absque ea electionem esse jure ipso nullam ; secus verò illam publicationem , qua post priorem illam factam fit extra Capitulum Clero , populo vel conventui .

6. Respondeo denique : sed neque hæc posterior publicatio electionis ita est necessaria , seu præcepta fieri , ut ex necessitate aliqua , v.g. ad vitandum grave scandalum non licet eam differre , usque dum confirmator vel alius quidam competens Superior admoneri possit , ut juxta ejus consilium & mandatum vel publicari , vel magis abscondi ad tempus possit . ita ferè Pass. num. 30.

PARAGRAPHVS VIII.

De tempore Electionis.

Questio 324. Num. Ecclesiā needam viduatā sponso seu Prælato suo, eligi possit successor, aut saltēm instituti tractatus de eo eligendo?

1. Respondeo ad primum negativè cum communi & certa . c. bona . 36. & c. quia propter . b. t.

2. Respondeo ad secundum : tractatum collegiale , & canonicum Ecclesiā nondum viduatā habitum de novo prælato ei providendum , vel aliquo spectante ad electionem esse nullum , etiam si infirmitas prælati sit planè desperata . cit. c. bona . ibidem . Abb. num. 2. Biax. p. 3. c. 3. num. 1. Pass. c. 13. num. 9. Ipsa quoque citatio facta vivente prælato nulla est , ita , ut immediate etiam post mortuo prælato , ea nunquam convalescat , sed opus sit novâ citatione . c. bona . Pass. num. 11. Quinimo ipsa post talen tractatum subsecuta dein electio , mortuo jam prælato , etli non sit irrita , est tamen irritanda . Abb. & Biax.

ll. cit. Pass. num. 10. Quod tamen etiam intelligentum non est de ea electione , quā non eligitur is , pro quo tractatum ante mortem prælati , sed alius . Vel , quā non habetur in vi alicujus conclusi in illo tractatu . Biax. & Pass. ibidem . Item intelligentum non est de tractatu merè consultivo , & nullius spectantis ad electionem definitivo ; talem enim tractatum nequidem prohibuit esse , tenent Abb. loc. cit. num. 12. Biax. num. 2. Laym. de electione . c. 4. q. 13. Quamvis dicat Pass. num. 12. negari non posse , esse aliquam in honestatem , vivente adhuc Prælato , tractare collegialiter de successore , etiam nihil deliberando , si non sit aliqua necessitas .

Questio 325. A quo momento vacare censetur Prælatura?

1. Respondeo primò in genere : duobus modis viduari & vacare Ecclesiam , nempe per mortem naturalem , & moralem (dum nimur Prælatus fit professus in Religione) & per absolutionem Superioris , ubi ea notificata est ; ad hanc enim reducitur quoque modus ille vacationis , dum ubi prælatura temporales sunt , ex vacante tempore , quo Prælatus completer officium ; nam & tunc Prælatus à jure manet absolutus . Et licet dicatur Ecclesia viduari modo triplici , adhuc in vivis existente Prælato , juxta c. inter corporalia , de translatione Episcoporum , nimur per translationem illius ad aliam Ecclesiam , per ejus cessionem , & depositio nem vacat tamen quamprimum , & non ante , quam uniusquisque harum modorum completus est per absolutionem .

2. Sic completer translatio Episcopi alterius Prælati , dum hic volens transfertur , vel etiam dum hic non volens transfertur (scilicet in eo casu , ubi Superior potest Prælatum etiam invitum de una ad aliam Prælaturam transferre) ab eo puncto temporis , quo absolvitur à priore prælatura per Superiorum , v.g. Episcopus in Consistorio Sanctitatis sua , etiam ante expeditionem literarum Apostolicarum , vel adeptam possessionem secunda Ecclesia , ita ut , ubi hujus absolucionis notitiam habuerit Episcopus , etiam ex testimonio , seu documento secretarii sacri Collegii , illico teneatur abstinere ab exercitio ordinariæ jurisdictionis , ea que translat in Capitulum , tanquam sede vacante , juxta declarationem S. Congregationis Card. negotiorum Episcoporum præpositæ , quam dictis verbis recitat Barb. ad c. 1. de translat. Episcoporum . num. 5.

3. Alias verò dum prælatus non deserit volens priorem Ecclesiam , absolviturque non nisi sub conditione futuri consensū illius , ab eo punto , quo post absolutionem in eam consentit . Similiter completer depositio ab eo tempore , quo Superior prælatum in persona absolvit à prælatura , seu deponeit , aut depositum declarat , ita tamen , ut , ubi iusta appellatio locum haberet , effectus hic depositio , scilicet vacatio suspendatur , donec sententia transeat in judicatum . Pass. cit. c. 13. num. 4. & 5. Quin etiam ut , si depositus à Papa ab eodem deinde restituatur ante factam electionem novi successoris , hac subsecuta sit nulla ; quia facta sede non vacante , si tamen restituatur post factam electionem , hæc valida sit , & non cassanda ; quia facta legitimè sede vacante , nisi tamen in restituzione apposita clausula decreti irritantis : etiam de præterito , quidquid in contrarium jam factum est ; vi cuius illius ex plenitudine potestatis tunc Papa factam electionem

nedi

nem, alias legitimam; & validam annulat. Abb. ad c. Innotuit. de elect. num. 22. ibidem Innoc. num. 5. Host. num. 21. Butrio num. 43. & alii, quos citat & sequitur Pass. num. 6. cit. c. 13.

4. Denique pari modo completetur cessio, & Prälatus definit esse Prälatus non nisi per absolutionem à prälatura. Paris. de resign. l. 1. q. 12. num. 12. Tamb. d. 5. q. 7. n. 3. citans Riccium, Pass. n. 7. ubi autem hæc acceptatio renunciationis intercessit, non est, re etiam adhuc alias integræ, in potestate resignantibus de beneplacito acceptantis remanere in eadem prälatura: Etsi is eam iterum immediatè possit resignanti conferre, seu restituere, ubi ea electiva non est, vel ejus collatio non spectat ad aliud ab acceptante. Pass. n. 8. contra Donat. p. 3. t. 3. q. 5.

Quæstio 326. Quando incipiat tempus electoribus a jure statutum ad eligendum?

R Espondeo: non à momento, quo incipit vacare prälatura, sed quo hæc vacantia innotescit. c. quia diversitatem. de concess. prob. c. licet. de suppl. negl. präl. ibi. Innoc. Abb. Tamb. loc. cit. num. 4. Garc. loc. cit. num. 15. Lavor. loc. cit. num. 12. Pass. loc. cit. num. 16. Azor. p. 2. l. 6. c. 26. q. 10. &c. aut innotescere potest ac debet. Pass. num. 17. ita ut, licet in casu devolutionis prætentæ à Superiore, ad eum spectaret probare notitiam, sufficiat probare, eos potuisse habere notitiam, & ab eo tempore intra terminum non elegisse. Pax Jord. l. 10. tit. 12. num. 24. Pass. num. 18. Undecunque denum hæc notitia habeatur; neque enim requiritur intimari Electoribus seu Ecclesiæ mortem vel absolutionem prælati sui, ut vult Donatus; neque ex hac intimatione facta per Superiorē, aut ex publico v. g. Secretarii, Superioris, similiſive testimoniō procedens notitia iuridica, ut vult Castel. sed sufficit notitia certa, undecunque hausta, ita ut in casu litis & contentionis, ubi constiterit electores habuisse, aut habere potuisse, si voluerint, certam notitiam abolitionis prælati, privantur electione, si intra tempus statutum, ab ea notitia mensurandum, non elegerint. Quamvis tamen, quia electores scire non tenentur, an eorum prælatus absolutus fuerit à Superiorē, & vel hinc præsumi potest justa in iis ignorantia illius abolitionis, ad vitandas lites opus erit intimatione, vel alia aliquæ notitiæ juridicæ. vide pass. num. 17.

Quæstio 327. Num ante sepulturam Prælati defuncti fieri possit electio successoris?

R Espondeo primò: fieri potest ex rationabili causa, ut si ex dilatione imminet grave periculum Ecclesiæ, ejusque immunitati, v. g. ex violentia Principis alicujus. Barb. ad c. bona. de elect. n. 2. Mirand. tom. 2. q. 23. a. 10. Pass. num. 14. citans Rodriq. Castel. & Donat.

2. Respondeo secundò: etsi cessante gravi causa, honestatis & æquitatis sit, non statim à morte infœpulo adhuc Prælati fieri electionem, id tamen de præcepto non est, ita ut tunc facta electio ex eo præcisè cassanda sit. Gl. in cit. c. bona. v. tractatum. ibid. Abb. num. 11. & alii. Barb. & Mirand. l. cit. Pass. num. 13. Tamb. d. 5. q. 7. num. 2. Lavor. c. 18. num. 20. Biaz. p. 3. c. 2. & alii plures contra Hostiens. Garam. p. 10. c. 2. n. 39. Majol. Rodriq. ab eo citatos, sententes c. bona. 36. de elect. & c. nullus. dist. 79. non tantum honestatem, sed & præceptum de hoc concinere, & hinc talem electionem cassandam.

P. Leuren. Fori Benef. Tom. II.

Quæstio 328. Quantum temporis habeant electores à jure prefixum ad eligendum?

R Espondeo: quid sit de jure speciali, specialibusque statutis & dispositionibus in hoc sèpe diversissimis Collegiorum aliquorum, maximè Religiosorum Ordinum, innixis bullis & privilegiis apostolicis iis concessis, quæ attendenda & observanda erunt. Rodriq. tom. 2. q. 57. a. 13. Mirand. loc. cit. Sigism. dub. 16. num. 2. &c. (quamvis etiam electiones Provincialium, multoque magis Generalium totius Ordinis ex eo non comprehendit, ne pro defectu. dicat Pass. num. 36. quod provincia regularis non sit Ecclesia singularis, sed Congregatio Ecclesiarum, mortuusque prælato talis Congregationis Ecclesiarum, singulæ adhuc sponsum retineant, nec patiantur illud detrimentum viduitatis, quod alia singulares Ecclesia suo sponso viduatæ; neque sit eadem facilitas tam brevi congregandi toti Electores diffitos) de jure communis sunt tres menses, tam quoad electionem prælatorum secularium in Cathedralibus, quam Regularium. c. ne pro defectu. de elect. Quoad alias vero dignitates in Collegiatis, & beneficia, sive electiva sunt, sive collativa, sex menses, intra quos de iis vacantibus providere debent, ad quos spectat, c. nullus. de concess. prob. c. licet. de suppl. negl. präl. & Clem. 1. tit. eod. In his enim minor est necessitas, & minus periculum ex diuina vacanta, quam in Cathedralibus, utpote quibus, ut in illis, non est adjuncta jurisdictione in Clericos. Pirk. de elect. num. 243. qui nihilominus iun. seq. citans Laym. de elect. q. 33. num. 2. Imol. & Abb. ad c. ne pro defectu. ait, valde probabile esse, ob adæquatam rationis identitatem comprehendendi quoque constitutione illa c. ne pro def. quoad trimestre tantum concessum ad eligendum, Ecclesiarum collegiatarum prælatos, qui & ipsi generalem ac ordinariam jurisdictionem exercent ex speciali jure in Clericos sua Ecclesiæ. Præsertim si sint exempti ab Episcopo seu Ordinario; eo quod, licet dicta constitutio sit correctoria anteriorum canonum, provisioni Ecclesiarum non Cathedralium concedentium sex menses, cap. 2. de concess. prob. videaturque penalitatis; censeri tamen potius debeat favorabilis; utpote cuius intentio est, occurrere periculis animarum, & Ecclesiarum indemnitatit. Porro computandi hi menses sunt, non ut unicuique tribuantur 31. dies, ut vult Host. in c. licet. de suppl. negl. präl. sed prout occurrint in Calendario, v. g. dum tempus prefixum inchoatur prima Januarii, durer usque ad primam Aprilis inclusive; idque, etiam si annus sit bissextilis. Bald. in cit. c. ne pro def. num. 3. Abb. in cit. c. licet. Sanch. l. 2. de matrim. d. 24. num. 15. Garc. loc. cit. num. 42. citans Roch. Boërium, Lambert. &c. Peyr. tom. 3. c. 9. num. 17. Pass. num. 25. Paxjord. lib. 10. 17. 12. num. 30. Item computandi sunt hi menses de momento ad momentum, v. g. si notitia vacantia incipit primâ Januarii, horâ duodecimâ, trimestre terminetur horâ undecimâ mensis Aprilis. Garc. p. 10. cap. 1. num. 20. Peyr. c. 13. num. 4. Paxjord. num. 31. Pass. loc. cit.

Quæstio 329. An, & qualiter impeditis hoc tempus currat?

R Espondeo primò: si impedimentum tollere nequeant electores, non currit illis tempus, c. quia diversitatem. de concess. prob. Gl. Abb. Barb.